

泉州府志

第三十册

卷之五十六

泉州府志卷之五十六

勲績 武蹟 捍衛

自古開疆拓土掃蕩妖氛必有奇傑之英出而効命
解蒼黎於塗炭鞏國祚於苞桑勲勳鼎鐘名傳史冊
猶歟盛矣若夫建牙分闡閩值小醜跳梁隨時殄滅
戡亂之功亦不可泯卽幸值昇平烽火無驚而飭部
伍嚴斥堠自有陰消潛弭者匪徒以劒扇綸巾自詡
風流也外此而好義之士勇敢之夫團結鄉社于以
敵王所愾保障一方干城腹心周詩所爲咏且兔歎

國家疆宇寧謐簡闕外之司分兵設汛互相聯絡自
此山海永靖矣然安不忘危膺軍旅之寄者其可恬
熙自適弗慮未雨綢繆之思乎志勲績次武蹟附捍
衛

明勲績

鄧城

黎鵬舉

王麟

邵應魁

鄧鍾

秦良弼

鄧城其先沙縣人洪武初以功授潞州百戶歷二世調京

衛遂籍江城登嘉靖甲午武科第一人襲父爵以功
授中軍指揮陞廣東僉書遊兵把總通泰叅將累官至
提督狼山副總兵城狀貌魁俊家貧力學喜賓客嫻騎
射沉毅有謀浙直倭寇猖獗奉檄赴援大戰於徐公山
曾陀蓮花洋洋山陽弋橋等處斬首千餘級王江涇陸
涇壩之捷皆與俞大猷共事論功相亞陞狼山副總兵
方疏置師舟適倭寇百船突至城兵不滿四十艘攻沉
倭船無數賊焚舟登岸犯白蒲如梟復奮擊之擒斬幾
盡時嚴氏柄國使人徵賄城不爲意被嗾陷逮繫落職

從雲中李總督以卒千人破達兵萬餘衆是年倭攻陷
興化府聞巡撫以城請拔城雲中拜聞遊擊將軍未幾
卒城微時與俞大猷爲刎頸交及奮行閒立戰功其勇
畧氣節亦相類云子鏞登己丑進士官南陽守有聲鍾

丁丑武舉任貴州總兵

嶺志

黎鵬舉字冲霄本合肥人始祖春世襲泉州衛千戶家晉
江嘉靖閒倭寇內訌蹂躪浙閩者十餘年鵬舉先後奉
檄援敵攻守大小數百戰輒有功其著者昌國復五城
平湖解八圍漳浦破巢穴烏石奪舟艦永寧同安以兵

五百橫行數千賊中未嘗一擊俞山之戰一晝夜斬五百六十級庚戌以舟師援上海射殺數十人復連擊殺數百人賊大駭遁忽他帥軍潰賊再鼓楫來鵬舉矢援家丁數十人死傷畧盡拔劍付僕出重圍提空鞘晚賊賊刺之及入勁甲三寸乃仆賊謂其死也拭及血于衣去鵬舉得不死事聞賜號忠勇歷守汀漳後爲總督胡宗憲誣奏與俞大猷同被逮旋得白釋歸起北路參將破倭福寧衝沉其舟焚溺無算擒泉賊潘若海江一峯二酋諸寇悉平卒爲忌者所齟齬落職卒子國耀副總

兵國炳廣西總兵

王麟字君仁號四一晉江人指揮使鎧子五歲而孤年十
六襲父職署衛篆嘉靖甲午丁酉兩魁武科繼移署鎮
海衛篆歷掌南日小崖銅山總司事時海寇剽掠麟造
巨艦精器械蚤夜治軍開駕樓船哨望忽遇賊五六十
艘將校失色議避之麟橫刀叱曰某待罪行開恨不逢
賊而殲耳遂命鼓譟衝賊賊大懼一賊挾鏢上桅斗響
弓射中其脇墜死二賊紅裏露刃相向麟連弩殪之軍
士夾擊斬李大用之黨吳元謙等二百二十餘人明年

賊匪連胡霖等攻福寧督舟師大戰流江破之擊賊吳
老徐付老等于南海灣遇唐子容等賊于表頭俱大破
之前後擒殺三百七十人捷聞賜白金甲寅擢廣東龍
水守備乙卯晉都指揮僉書討叛僑于密菁中斬李公
本單普元等三十二人從征新寧右鼓雞頭等巢用嚮
導麾兵搥之賊大敗斬首千二百四十餘級俘獲稱是
清遠英德二縣賊發統南軍戰于羅山興仁蕉坑破之
俘斬二千餘賊平丁巳擢杭嘉湖叅將尋改福興泉漳
叅將又改漳泉水陸叅將值倭寇發以水陸軍數千與

賊角逐且戰且誘賊乘汎自廣潮突至漳抄其後破之
追擊賊于安平永寧崇武設疑兵應援襲破之賊潰追
至同安賊從同安長泰遁海上麟率輕師乘戈船邀擊
追及賊將嚴山老于祥芝石湖南海口縱伏兵出擊盡
破之擒山老鑿沉其舟洪澤珍之徒各燬巢去迎擊馬
達法正等二千餘人破之倭擁千餘人突至海壇登山
屯上運麟與把總朱先等夾擊大破之賊幾平有齣齣
之于直指者論麟跋扈落職去賊益猖獗瀕海城堡不
守中丞王公亟上疏言閩事棘麟不宜輕去麟感奮討

賊于古浪東詐鎮海山生得啞哩國國王孫上健健咬
舌死斬獲首甲二百餘奪俘如之乘勝追擊兩日夜至
涪洲破之七月親率騎兵尾賊于南安澗埕安溪上坑
大破之詔復原職仍賜金以叅將領南路水軍大勦月
港斬林雲張連等七十餘人病發猶力疾南討斬林叔
濟李體寬數十賊誅其黨賊相戒引避呼曰髯將軍未
幾疾亟卒于軍中麟狀貌魁梧瞳目脩髯身長七尺勇
有氣力聰慧絕人少師事卹潛軒大奇之十四補右庠
疊雋武聞旣起萬夫長從軍一意許國淹貫子史七書

百將傳潤達多智雅恂如經生與人和易不脩已卻不
誦人遇交遊盡知名士拊士卒挾纊有恩意善騎射畫
鶴徑尺百步外引繩命中發必應弦嘗單騎按地形步
惠安關外賊猝至環之數匝麟持滿左右射連中數十
鏃賊稍解得潰出行兵多依古法正部曲嚴刁斗擇善
水草舍止用閒謀奇勝所立功多分與麾下吏有過許
以功贖士卒樂盡死力遇偵報至披甲躍馬陷矢石深
入爲士卒先臨敵先討復戰自結髮倥傯軍無敗衄雖
險絕之地常有天幸大小數百戰不妄掠一人獲醜生

五千六百有奇所賞拔將校多至大帥五膺帝賚三佩

璽書封贈祖父母如其官銅山人立祠祀之撫按爲請

贈蔭

景璧集

那應魁字偉長號榕齋同安人幼穎慧弱冠操舉子業邑
試傾同士會遭父艱未應督學試適俞大猷來視金門
所彖從之游遂徙業焉丙午雋武闈丁未聯成武進士
同登武第自應魁始已授所鎮撫贊畫南贛軍門贛多
峒賊奉檄徃諭賊以兵恐之不動以妖冶挑之復不動
竟俯首聽撫歸報命中丞疏薦其可大用乙卯倭犯浙

詔徵天下材官總制張公以應魁隸俞大猷幕下大猷喜曰邵撫軍來倭不足平矣時倭勢猖獗應魁提兵據平望橋以待比至以偏師遶其後追斬溺死千餘人中丞張景賢奇之令統巨艦駐洋山島夷所出沒也謀以衛山之急報疾趨之倭以二艘誘戰薄暮追至蒲灣諸艘蟄起應魁率舟師乘風衝犁平明至馬蹟劍甚猶暴血奮呼殊死戰賊乃潰去大猷親爲傳藥解衣仍令移師吳淞是時嘉定急則轉嘉定上海急則轉上海江陰急又轉江陰敵無不攻應魁無不應而川沙窪之擒斬

尤多明年大猷晉都督鎮浙乞應魁與俱懸賞得選鋒
三百人擒之令撓賊賊不動應魁曰是初我也會大雪
提三百人披簑持火藥夜半溜抵賊柵懸簑藥之風發
火熾壁上下如赭大兵鼓譟進馬賊多焚死是役用奇
以少擊衆號爲冠軍於是總制胡公檄合督兵黃窰港
時倭大至天色已晚聯舟爲營應魁語諸將曰乘其未
定一鼓可擒也令我兵各標雙燈直衝賊艘炮弩齊發
呼聲震天賊焚溺死者無數餘寇遁走茶山北洋窮力
追之再戰再捷未幾謀報倭將入七了港乃設伏賊後

自以大兵迎敵戰酣伏起夾擊大破之追至乍浦衝突
沉倭艘二御史上功陞南直隸遊兵把總兵部叙功復
陞永寧衛指揮使旋把總劉家河明年復把總關山巡
歷江海不避風濤有倭至擊之三片沙沉其二舟斬首
甚多陞福建都司署都指揮僉事誥授昭勇將軍封贈
父祖如其官將赴閩而監軍唐順之移書撫按請以閩
銜領浙直事專守江南而倭闖入江北總兵盧蔭被劾
詔獄波及應魁遂解職日與諸名公賡詩倡和旣而劇
賊會一本橫行粵中總督吳桂芳請以應魁奏將廣惠

潮提哨船不滿三十值賊艘百餘乘夜截擊獨以中軍
當其衝自寅及辰督戰愈力手射殺賊圍乃解復合諸
軍大戰破之而閩巡按陳公爲粵人遽以未履閩任申
應魁遂求去歸而杜門却掃校讐左史寄情詩酒大輪
夕陽慈雲天馬諸山皆有標題孝友天性俸入浚伯兄
出入不問金門有園林之趣兄心欲之卽移家豪山而
推宅與兄巡憲及郡僚行部往迭輒枉車騎得其詩乃
去然未嘗有所干年七十六卒著有射法詩稿行世節

白堂

稿

鄧鍾字元字晉江人城子萬歷丁丑武進士先爲廣東東
山叅將值瓊州酋黎廣黎馬屎等糾衆剽掠險莫何
制府戴公命鍾率所部討之製備皮盾火器列陣揚旌
聲言出水蕉賊果赴備乘虛直奪礮門據之用火攻擒
其渠魁賊其羣醜由此轉攻西北連破岐筒山根居礮
五指擒賊及斬首俘獲無算其黨計窮縛馬屎以獻數
年逆寇悉平後歷前軍都督任四川貴州都督以征苗
播大功加護國大將軍子世襲賜監守第崇祀名宦鍾
武健多智喜熟兵書善用古戰法著有籌海重編行世

子光沐天啓壬戌武進士予襲任虎門副將光潛廣東

已卯武舉

陳第傳
蔡家傳

蔡良弼字景明號德菴晉江人良牧弟幼讀書習兵法驍
勇優於技藝由武生登萬歷戊午科武舉天啓開選舉
忠義旅力第一授廣西都司崇禎四年從總兵王承恩
率兵討賊不沾泥追斬賊首三百餘級不沾泥逃之關
山嶺復窮追之盡殲其騎乃降又與陝西都司曹變蛟
追賊于毛山四戰俱捷六年以功進叅將十年從左良
玉破賊于舒城六安等處連戰三捷十二年大破西河

賊飛虎劉國能于許州十五年與劉良佐破張獻忠于
安慶十六年陞直隸副總兵福王時陞南京觀音門前
軍都督府左都督

國朝勲績

洪承疇

施琅

吳英

萬正色

林賢

駱儼

張天福

李日烺

許盛

施世驄

○洪承疇字彥演號亨九南安人明萬歷丙辰進士授刑部主事歷員外郎中浙江提學僉事高才遠識所取士皆奇雋與選者如登龍門轉右叅議江西兵備副使陞陝西叅政擊巨盜王嘉孕有功轉按察使晉延綏巡撫崇禎四年九月以平賊功命總督三邊軍務代楊鶴七年十一月命總督河南山陝川湖五省軍務代陳奇瑜討流賊時賊蔓延半天下承疇一人不能顧八年八月復以盧象昇總理江北河南山東湖廣四川軍務承疇辦西北象昇辦東南九月承疇遣副將曹變蛟等追賊

至醴泉賊將高傑降承疇身追李自成大敗之於渭南
臨潼關自成東走高迎祥亦屢敗東踰華陰南原絕嶺
偕自成出朱陽關與張獻忠合十年十月自成連陷昭

化劍州梓潼江油黎雅青神進逼成都未幾承疇督曹

變蛟等來援自成乃由洪州入番地官軍轉戰千里二

十七晝夜不解甲自成引殘卒竄入岷州及西和禮縣

山中十一年九月自成復犯蜀諸將馬科賀人龍拒之

走漢中又為左光先所扼其黨皆降惟自成東遁承疇

令曹變蛟窮追設伏於潼關之南原大破之自成妻女

俱尖徭數騎遁商洛關中賊畧盡言我

大清兵入塞其冬卜畿輔四十八城十一年春正月命承
疇總督薊遼軍務於是自成獻忠復猖獗不可制十四
年

大清兵圍錦州承疇先後調馬科吳三桂等八大將兵十
三萬進次松山我

太宗文皇帝親督戰王樸吳三桂等夜遁軍士死無算曹變
蛟走入松山與承疇堅守朝命順天巡撫楊繩武總督
遼東寧遠諸軍往援十五年春二月松山圍久食盡督

師范志宗不能救城破巡撫邱民仰總兵官曹變蛟等
死之承疇與總兵祖大樂皆降寧遠關門勁卒盡喪祖
大壽遂以錦州降杏山塔山皆下

太宗得承疇甚喜厚遇之使隸鑲黃旗順治元年三月李自
成陷燕京承疇扈從入燕芟平禍亂入辦內院事二年
王師下江南復命承疇慰節江南綏輯之撫兵馭吏鎮
靜有方五年伐還六年己丑同掌會試九年與脩

文廟實錄十年僞將孫可望作亂湖南加以兩廣不靖雲貴

未入版圖

世祖命承疇以大學士經略五省事既入楚乃分鎮諸要地
開屯田備糗糧脩城隍設水師爲經久計又以取雲貴
必先復廣西乃設一鎮于桂林一鎮于梧州犄角守之
十三年常德告警遂提長沙兵至衡州抵寶慶以分賊
勢召荆澧兵乘夜趨常德敗之以捷聞十四年可望率
衆來歸因疏雲貴可取狀三道會師入貴州五旬而舉
之定其地夏四月至貴陽時賊甫遁民居灰燼倉無粒
粟承疇多方招徠捐金散給以脩廩舍勸令預輸以給
兵食禁士卒不得出城野無牧馬民免騷擾十五年再

舉入雲南發廣西兵從間道出僞將李定國迎戰大破
之遂平雲南嚴飭士卒有匿民間子女者繩以重法不
貸解散投誠兵丁疏奏滇民疾苦請發帑金三十萬賑
濟之區畫分防多方綏撫一如在黔兩省之民咸登衽
席十七年以病乞休召還京未至而

世祖升遐

聖祖卽位予告論功授二等阿達哈哈番世襲其職康熙四
年卒年七十三賜葬京師贈少師諡文襄子士銘順治

乙未進士歷官太常寺卿

通志 參南安志 湖廣 貴州 各省

胡

○施琅字尊侯號琢公晉江人膂力絕人精曉陣法居濱海尤善於水師初從戎伍討山寇有功授游擊唐王建偽號福州以爲左衝鋒明亡鄭成功竊據島上邀入海爲左先鋒旋忌其才會有標并犯法欲殺之成功爲解免不從成功怒琅遁歸父大宣弟顯皆遇害琅從定遠將軍解福州圍授同安副將破湖州壘擒其騎將降萬餘人陞總兵官康熙元年授水師提督密陳金厦可取狀率將士搏其島克之降萬八千人晉秩右都督靖海將軍入爲內大臣封伯爵奉朝請二十年内閣學士李

光地奏言臺灣可取狀且薦琅可用仍爲水師提督加
太子少保是年至軍泊舟平海衛衛有廢井拜之而泉
沸二十二年六月與師大書將弁名于旆蓬以別功專
時衆灣皆爲賊據遂泊于八罩灣其地水駁石惡師至
潮長沒石舟得平渡賊帥劉國軒守澎湖據險要爲固
守計築短牆置礮環二十里琅遣前鋒藍理等直入
戰船奮力戰會南潮發爲疾流所壓賊舟四合琅親
駕帥艦衝其圍總兵官吳英繼之殺賊將大小七十賊
兵二千餘已復取虎井橋盤與遂督師大舉分三隊東

指雞籠山爲奇兵西指牛心灣爲疑兵又分中隊爲八
股進壓賊壘賊將來拒總兵官林賢率先隔陣大轟
至踴躍用命呼聲震撼波濤自辰至申焚賊舟百餘艘
其將三百兵萬二千有奇而賊之精銳悉殲矣凡海洋
占候雲合風生雷鳴風止將戰時黑雲起國軒置酒賀
少頃聞雷鳴錯愕失聲及兵敗遁歸臺灣鄭克塽降臺
地悉平琅入臺海水驟漲四尺舟得全進初人謂鄭克
乃琅深仇師入將快意琅曰義不共戴寧忍忘之顧絕
島勦附一有諫殘忍人情及側吾所以銜恤茹痛者爲

國家事重不讓顧私也疏聞

廟大悅卽解所御衣賦詩以賜封靖海侯世襲副將環又
言臺地不可棄狀及寬減賦額投誠人安挿本省諸疏
皆報可入 觀京師

命途次三設供帳以步履稍艱侍從得掖拜起

賜坐奏對請依關下不允歸卒于官年七十六 贈太子少

傅諡襄壯瓊容貌魁傑少時莊嚴一見大奇之既平

海島從容坐鎮日與文士詩人宴游醉頗有東山汾

陽風度爲將紀律嚴明熟習海務初出師時人言南風

不利琅曰我泊舟地距賊遠北風起舟從風飄散非二
三日不能集刻正夏至前後二十餘日風微浪靜夜可
泊洋聚而觀覺不過七日舉之必矣且國軒爲彼魁傑
適守澎湖克之則壹灣可不戰下也卒如所料所用部
曲家將及爲帥艦舵工水手自立績效擁旌旄者前後
相屬子世綸世驃自有傳世范襲侯爵

榕村近道齋
二集合纂

○吳英字爲高晉江人晚徙居莆田初以王姓從軍康熙
二年從平金廈論功授浙江都司甲寅耿變賊兵出據
金衢提督塞白理授英左軍遊擊平寧海梅坑賊解台

州圍復破爲帥張拱垣於三門港殲朱飛熊於毛頭洋
軍聲大振會貝子富喇喀視師問諸將誰可膺大任者
提督會以英對遂授爲先鋒前後復黃巖太平樂清等
縣斬賊帥劉邦仁等又破賊二萬于上塘賊保殘卒隔
河而陣英夜令人負草一束乘潮填河以濟大破之乘
勝復青田縣斷賊餉道敗僞將連登雲十萬衆解處州
圍會養性據溫州乘夜來襲英急白貝子棄營守險分
兵抄賊後自率精兵殊死戰前後夾攻賊大潰養性僅
以身免英追至城下炮擊馬蹕躍起揮刀砍賊奪馬護

其象以歸功第一擢爲中軍通賊船二百餘迫定關守
備方俊陰約內應白提帥立新以狗擊敗賊于象山連
平大嵐遂昌松陽諸山寇邊聞督糧中軍副將時鄭氏
陷海澄困泉州斷洛陽江東二橋以阻援兵乃引

大兵由閩道解泉州圍戰陳三壩觀音山奪江東橋連破十
九寨遂迫海澄陞同安總兵官率舟師平金廈是歲郡
大飢請于總督許沿海民出糶採捕全活百萬適施琅
平澎臺英率先取八罩焚賊寨殺賊幾盡鄭氏納款留
英鎮撫其地尋移鎮舟山擢四川提督蕩清吳逆餘黨

帥蜀十餘年嘗會攝服調福建陸路旋改水師

御書作萬人敵四字以賜加威署將軍 予世襲七十六卒

贈太子少保孚祭葬英少孤家極貧母有賢德訓之至

嚴容貌豐偉長眼美髯經數十戰未嘗被創著有行聞

紀遇一部子應麟江西督糧道應鳳康熙壬午舉人廬

鳳道應鵬水師遊擊世襲騎都尉應鯤康熙辛卯舉人

灌陽知縣

臨川李穆堂初集參吳氏家傳

○萬正色字惟高晉江人初以黃姓從軍有功授職屯岷

陽田攢與安遊擊吳三桂反隨將穆瞻討賊破羅漢關

以計擒賊伏兵取朝天嶺賊衣夜襲廣元於是昭化
蒼溪望風皆復遷平魯參將值與安兵變戡定乃行

陞見賜賚有加漢岳州總兵官時賊之宿將重兵皆聚於
岳監棚洞庭湖而築堡于岸以拒我師四載不下正色
爲前鋒軍七星山別遣輕騎襲岸身率壯士斫其水柵
岸上舉火大呼賊驚潰復塹君山以扼之據駝河絕其
餉道戮蘆蓆口焚其舟斬賊將張炳趙有庫等凡十七
戰皆捷賊杜輝江義遁與吳應期嬰城固守正色遣表
弟魏士曾飛死賊計賈書赴賊中應期果疑殺杜輝等

十三人土會亦遇害賊猜懼皆出降應期奔去遂拔岳
州長沙諸郡以次削平時海寇猶肆陸梁正色密疏陳
海疆情形晉太子少保提督福建水師以林賢黃鑄陳
龍揚嘉瑞爲援勦四鎮與巡撫吳興祚水陸並進破海
壇進泊潯州詰巨會戰場旌直搗賊隊兄德耀率四鎮
繼至大破之復金門廈門僞將羅士珍等以海澄降正
色招撫降附禁戒諸軍郡司有掠民羊者斬以徇民得
安堵復建長清縣兼築閩省備一時復業積陸路提
督改雲南爲都將所授龍興卒正色胸有七竅聲如洪

鍾八歲時母病目以舌舐之遂愈父以非罪繫請代得
釋及貴脩洛陽橋開八卦溝建晉江會館鄉黨尤盛稱
之著有平岳平海疏議移文及師中紀績等書兄德耀
以功授都督僉書子際璋墮法道際祥世襲騎都尉際
瑞浙江提督魏士曾亦晉江人事聞蔭一子衛千總

○林賢字克希號尊一晉江人從戎福州領新設水軍擒
寇章元助等于上竿塘爲援勦左鎮從提督萬正色平
兩島投海壇總兵將軍施琅澎湖之戰賢率大隊先逆
賊舟環攻賢身中兩矢奮呼軍士殊死戰舟中尸相藉

諸將繼至遂克之論功加世職卒 贈太子少保 子祭葬
子達黃巖總兵夢松襲職

○駱備字溫如惠安人登康熙丙辰武會試從水師提督
萬正色討海寇陳靖海三策以平兩島功授汀州遊擊
遷大同參將隨軍征噶爾且以功擢平遠副將剿紅苗
平三江屢有功晉楚雄總兵官擢方無擾前後巡撫陳
統郭東兩疏薦之卒于官

賜祭葬陸一子入監著有紫松詩文集

○張天福字中社號成五晉江人少讀書好施與鼎革初

聞楚不靖以行伍謁 和碩安親 於軍次 王一見
奇之賜衣服鞍馬盛甲銀兩署援勦都司時 王欲抵
建昌賊將黃姓圍拒長興石岐命天福爲前驅斬驍卒
百餘級賊棄險登舟天福乘勝挽小舟奪巨艦數隻歸
復撫州又敗賊于觀子口師次吉安賊將韓大任負固
不服天福以六十人黑夜渡河破壘奪其舟二十七江
西平從 王抵楚克長沙進紫陽關安撫武岡州新寧
縣攻楓木嶺守烏江河黑神廟復倒朝水營老君關趣
偽總兵胡以降由白馬廟直抵滇省經歷水陸百餘戰

皆有奇績復值羅刹呀克薩跳梁建義將軍林興珠請
於

朝召見玉泉山 賜宴及銀兩帶鑲黃旗披甲出征歷黑龍

江火洗山四閱月乃到知羅刹恃河爲險擇部下善水

者三人與之潛厲以過驅白馬百餘以歸因識情形用

火箭攻木頭城呀克薩降捷 奉授寧波左營遊擊以救

火多善政郡人謂之救火神君立石紀之提督馬三奇

疏補海軍參將旋陞貴州銅仁及廣東澄海副將二次

引

見俱着兵部記名兩廣總督郭州隆以共會撫速州八排
瑤民剿澄海長山尾賊舟才可大用調補督標中軍癸
巳肇慶大飢天福獨肩其勞請支藩庫銀三千兩遣糶
近賣設法有方全活以數十萬計內

旨擢福建海壇總兵海壇爲桑梓要區福至則去冗役革
當規念本鄉沿塘周圍四十餘里灌溉數十萬頃田水
淺岸低亢旱頻仍捐俸千金濬築塘無竭澤之虞復就
水中築田三十餘石付鄉人輪管脩理陡門涵舛而從
前就田欵粟陋規一盡汰去太守劉佩勳石紀之年七

十六以老病乞休越二年卒 賜諭祭職一子入監讀

書子模刑部郎中長孫煥登雍正丁未進士

節家傳彙
雍正志稿

○李日烺字省甫號白軒安溪人爲諸生兼習韜畧值逆
藩海寇交訐日烺與從子光地議以城丸上封事日烺
閒道護健僕出關赴 關備陳賊狀

生祖嘉之密授方畧尋耿逆平而海上僞帥劉國軒陷海澄
圍泉州斷江東洛陽二橋南北道塞時將軍喇哈達駐
師漳州日烺與光地勸謀議請援師日烺自走福州請
於 康親王又與從子光斗連將軍喇公湖北漢陽石柱

嶺山安溪遣從子光堽光琅導巡撫吳興祥師由仙遊
踰白鶴嶺出永春兩路夾攻賊聞遁去泉郡以全勝泉
屬四面皆賊日堽獨與光地謀盡艱貞共濟隨請都陳
平海五策悉見

嘉納署福建水師總統從大兵平屢金兩島降賊將吳國
俊

特旨李日烺當閩省變亂之時克篤忠貞殫心効力可嘉
卽授邵武副將有保障績邵人祠祀之調臺灣安平鎮
時鄭氏餘孽陳辛入水沙連倡亂三十六社應之日烺

率五百人收捕辛劄伏歸命海外帖然擢永州鎮總兵
官宣布

朝廷威德徭種警服以年老乞休歸輯性理諸書以進

御書方重淳深四字褒之林下三十年年九十卒日煜磊落

和易遇事英發書畫詩文蒼然拔俗其至性奇節當代

魏環溪宮雲麓皆託諸歌詠娓娓述焉光柱以功授通

判光垣左都督子光煥光型光北

通志參
安溪志

○許應字際斯號武巖同安人康熙三年自滬上率家歸

誠授參將銜屯壘南贛時三藩蠢動閩粵荆湖諸寇踰

入江右破郡邑顛為數省咽喉盛率屯丁前後二十餘
戰解寧都楊家寨富江等圍復石城萬安泰和上猶龍
泉等縣招撫偽將嚴自明戴順曾惟龍等斬偽將陳昇
凌之亮何鼎陳可韓大任等奪回男婦無算以功授南
贛總兵晉秩右都督轉左復剿崖石寨降其魁朱明授
拖沙喇哈番 予世職二十二年

陞見假歸葬親盛少遭亂失親骸至是匍匐悲號墟莽間
乃得其處二十七年移鎮襄陽道經武昌值夏逢龍之
亂幽閉城中身被四矢以計脫隨 大兵討平之時

廟南巡盛迎見于宿遷驗閱箭傷處

躡旋京爲言者所劾

溫旨許盛矢志忠貞所奏無據以原職出鎮宣府兩次出口隨征噶爾旦以老乞歸捐貲三千八百金脩同安

文廟及明倫堂鄉賢祠卒于家子廷瑞商邱知縣廷瑜通判廷瑤常德知府

○施世驃字文秉晉江人靖海侯琅子以從征臺灣功授左都督銜爲濟南叅將從征噶爾旦深入沙漠逆醜平論功晉三秩丁外艱假歸還擢臨清副將陞定海總兵

官推巨盜江崙伏兵商船中誘賊悉俘之內艱請殺制
不許陸廣東提督調福建水師父子節鉞相繼時以爲
榮康熙六十年臺寇朱一貴煽亂世驛聞報卽遣別將
據澎湖扼賊吭遂登舟抵澎與總督滿保軍會命守備
林亮遊擊林秀千總董方等爲左右先鋒攻鹿耳門燒
賊船大小十餘時海水驟漲八尺餘我舟並航而入破
安平乘勝克府治臺灣平捷聞

賜袍帶是役也以六月興師七月克復與其父琅先後平
臺期悉符旋得疾卒年五十五贈太子少保謚勇果蔭

襲騎都尉子士岡贛州知府

唐武蹟

劉日新 崇敏 半千

劉日新光州固始人仕唐爲金紫光祿大夫乾符中黃巢
寇閩日新領兵追至大同場休營於寶勝山下開浚陂
以資軍食歸京未幾復出討賊老於此營 孫崇敏事

陳洪進歷永春龍巖令入宋遷仙遊令弟崇牧亦予官
其裔曰半千與蘇紳自同時召試賢良方正直言極諫

科會舉大科不舉 特奏補官

同安志

宋武蹟

蘇光誨

仲昌

朱文明

蘇光誨父益乾符中陽州刺史自光州固始隨王潮入閩
光誨與留從効誅叛將黃紹頗從効表爲漳州刺史陳
洪進憚之計召至同安爲大第留不遣密使人之漳州
奪其任遂爲同安人雍熙元年盜起遊洋光誨夕殫盜
魁十餘人送首級於州將喬維岳太宗召赴闕遷左衛
將軍太平興國二年與洪進納土任職屯田沒贖上將
軍武陵侯子仲昌天聖二年殿試被勲致三班官歷任

荆南北路提點刑獄知宜邵復三州終左屯衛將軍以政績贈大師福國公子孫累世貴盛爲同喬木子紳

同安

志

朱文明晉江人建炎二年武舉淳祐志稱其有才術歷官

福建兵馬副都監光堯慶典以龍飛舊人進一官

隆慶志

元武蹟

龔名安

龔名安字俊卿晉江人至正中以才能辟宣尉司奉差入奏事京師丞相奇其才擢上田縣尉累遷泉州泗州場

司令兼本邑縣丞時西境那兀納等竊據泉州經其
傷分兵掠興化將侵福州福建行中書省與師討之用
陳駭計遣人由閒道密檄名安募義兵于海濱那兀納
逼民爲兵以拒官軍名安謀州民佯許之而令于及婿
率舟師次東山渡以俟官軍及至勢合遂執那兀納檻
送行省時名安功居多後爲上猶尉有節義元亡遯跡
海上潮州總管王用文爲作老驥圖

舊志黎通志
王養靜文集

明武蹟

周冕

歐陽樞

明武蹟

任富

祖喬芳

唐濟澄

唐鉦

張奇峯

莊渭揚

林武直

莊志傳

王有麟

秦良牧

王慶熊

周冕字國華號浯江先世鄞人明初始祖壽從師定金陵以斬寇全城功授揚州衛百戶永樂間調泉州衛因家泉州遂爲晉江人父環襲世職生擒逆總楊宗壽等功

實鈔若干錠晉璫信被尉冕沉獲有大畧就懸卽讀陰
符諸書有督力善騎射十九歲舉省試第八從游武部
旋襲父官會倭起海上從當道前談軍事願以身當一
面威器重之委掌南日山諸堡至則埔山而斬壑勒吏
士擊刁斗日夜被甲立寇遁去已而委守篋與坐駕哨
艦則又勅吏士急不得更替休息怨稍起適有卒匿與
走忌者兼其名構之遂落職嘉靖辛酉倭大掠興化大
都督檄都司歐陽深收之冕顧其子岳鎮曰此非將校
恥耶吾世受恩不爲馬草報謂臣何遂挾糗糧攜家丁

以從大都督會諸將取血置酒中盟是慷慨飲血酒誓
死報壬戌正月進與倭遇大破之復興化城全活降民
數十萬倭遁走東蕭二月白氣起危宿掃微垣占失良
將見白深乘營守母與戰會催進兵急命其子岳鎮偕
把總薛天甲蕭深衝賊鋒俱死之事聞岳鎮祀廟陰子
竟既有克復功例得遷以博子故終身不起內行修謹
事父母及繼母得其歡撫諸姪如已子親友以急告者
無不如言去蓋忠孝其天性云

清源居
土集

歐陽暉晉江人指揮分事妻子深死于賊世宗禱嗣子世

官長子模已舉進士故移于疆方深被賦時樞年二十
餘列子矜能從父軍中集謀士調兵食議戰守所宜父
奇之追襲賊以材知當道使署高浦所蒙所在海中軍
人憚悍不曉書文樞集子弟立學延師教之廩以俸金
所課文字時爲第甲乙士遂有與者所軍不伍故時罰
月糧樞糶以法給糧如故軍無不應伍者移署崇武篆
賑恤贖貸撫之以恩有倭乘風突至樞操小艇逐入巨
瀾中手擒真倭二人溺死者無算時威繼光爲都督嘆
曰真歐陽將軍子也陞署泉州營都指揮使老少要難

從開道乃得行尋擢銅山把總時巨寇林道乾擁海劇
竊樞嚴斥堠脩戰備道乾不敢闖近海久之還衛如故
衛有三軍政掌篆視操督屯上官遽委樞凡前官相因
循減士糧自濶爲上人充餼悉恥不踵律已繩人一依
法度衛堂傾圮捐俸新之軍容以振萬歷丙子從藩臬
諸公入賀萬壽大司馬譚襄敏公會試天下闈官置樞
前里中俞大猷敵與深善方爲大都護造戰車應敵樞
陳古車戰法上方畧大猷執其手曰丈夫立功當在西
北邊咄咄里下不足起名且表薦之樞以母老

後以官予其兄模子而樞途卜居東田之麓老焉

任富字國裕晉江人祖閩從明太祖起濠上世襲昭信校尉累傳至富父賢精方藥外術以醫自隱之京襲官北試一不中不復再往富當得世官奈貧不能謁主爵者括家資僅得錢五百富絮三千乃持父所治方術遨遊公卿間得至京以醫自資而所挾冒絮三千竟以惠同襲官之典能活者比見主爵者以富父官久廢格弗上王惟中爲先容乃上其名許襲爵歸莅任歷考潔已愛

士與士卒同甘苦武弁中多以拙嚙之獨以此得上官
意一人委署十所篆者十餘年泉郡守先後皆倚重焉
當嘉靖季倭寇訖關中數載上官令富守東門爲倭所
從北來道富提警帶劔日譏省稱時時領兵出城游徼
兼扞他門泉以無害于才欽萬歷己卯舉人爲富陽安
定令泉武賈以文學起者自才欽始

祖醫方惠安崇武人少孤年十六襲千戶職居官溫恭廉
平大得人譽屢立功行閒陞本所正千戶璽書賜金褒
獎署所篆二十年

唐濟澄字士深晉江人世爲泉州衛指揮僉事七傳至濟澄襲職特年尙少一日郡狂囚逸太守不知所爲澄聞之獨自馳一騎從兵仗數十人逐諸衛盡得之以送太守太守德之甚項之清勾永寧衛常例軍伍有餽送悉却之復委治兵浯輿水寨撫帥貪得賊爲功下令捕賊澎湖澄曰澎湖某所轄汎地無賊何捕若在海外我徒衆少遠必窮撫帥不從令軍士捕賊波濤中賊詐爲賈舶來火吾船船卒爭避火盡溺死帥大悔未幾檄澄把總南日南日故善地或得自饒以親老稱疾乞歸當

道固留尋有指遷汀漳守備以都指揮體統行事有巨
寇李某出沒大帽山相戒曰唐都司來無孟浪作賊自
取死脇黨皆瓦散陞貴州都指揮僉事御史行部咨謀
焉一日撫求畢節備兵使者令澄爲証澄曰僚友無罪
何忍相負御史默然入賀聖壽轉廣東都指揮同知竟
坐貴州御史事報罷歸時倭正寇閩中撫帥復以南日
借箸時倭已陷莆田所擄掠子女金帛用巨艘載歸澄
整兵載之海上生擒真倭九十餘人斬首百餘級奪還
子女千餘人莆之人凡香於戶壺漿於門以勞班師至

泉心復訂泉教守陴爲傳善法城柝無害鄉民數百人
避_○來城下不得入澄屬聲曰奈何棄民入之賊旋平
年八十六卒子喬植襲爵舉武科亦有擒倭功 聞書

唐鈺字廷貴號泮濱其先六合人三世祖海謂泉州衛指揮
世襲職遂爲晉江人生而穎異雄氣昂聲標望絕人
年十六襲衛職擢屯捕局一時紛錯簡練兵士超距蒙
盾皆責有之倫嘉靖壬午劇賊九十三卒犯游壽邑聚
披靡電駭續軼鈺時督戒永春據堡阻隘扼之賊卒由

隊徒陣不敢肆陸梁時號爲唐公隆丁酉移總小埕海
寨長鯨多警至則申號令嚴烽堠斥刁斗選勇士嚴捕
之海波晏如移觀永寧衛月朔讀法以無事時講明聖
訓爲教民卽戒紀律部下孝子順孫必致而禮之行伍
感動雅尙儒術日與文學才俊往來談吐事父孝歿哀
毀骨立祭殮以禮年踰五十卽告休與朋舊徜徉杯酒
廿餘年篤愛其弟爲卜宅治產飲食服用必共卒之日
弟躡屣呼號哭之如父

節傳錄
東文集

張奇峰字接甫晉江人賜冠帶泉州衛指揮使奮跡武利

嘉靖壬戌領兵破倭海上擢北路守備歷貴州都司參
將副將擒斬者牙錫該諸苗恢復土司拓地數百里鎮
黔三十餘年治兵設防時剿特撫苗酋畏威如虎感恩
如慈父已掛冠歸起叅閩閩會大旱司理施公請禱雨
奇峰仗劍登壇三日大雨滂沱後遊杭謁蓮池大師于
雲棲寺祝髮留鬚歸居浦城九峯武榮報親說法破迷
老憇福唐報恩寺以終年七十八後黔復亂苗民思之
當事者擢其子守備永產爲援黔都閩以慰苗望

閩書
鈔

莊渭陽同安人萬歷癸未武進士授廣海守備陞瀾州遊

擊以瓊州黎峒不靖題陞瓊崖叅將有平黎功遷五軍

七營左叅將告養歸卒瓊州人祀之名宦

同安志

林武其初名雲標字養萬號震宇晉江人萬歷戊子辛卯
鄉武舉壬辰會試得第閩海告警撫臣薦守清嶼條上

三議皆采行遷廣西永福守備捕五山大王下詠諸寇

有功賊酋毛蒙等剽武緣上林庫莫敢擾武其促騎太

村擒其酋毛用誘蒙至則互推莫詰武其故厚蒙而窘

用則大呼曰劫庫者蒙也遂盡擒其黨三十餘人上功

督府督府奇之大征府江叛播檢武其赴平南廖社

退賊奔路武苴部指揮許世勳等扼花相戍長嶺距杜
良自統奇兵應援而時掩其軼越者賊坐困不敢旁睨
花相故險絕諸徭多反覆伺罅嘯聚武苴往來撫諭竟
資犄角以瘁卒于行間及湖廣行都司僉事之命下沒
已閱月督府叙功謂徭寇底平多武苴力也贈都指揮
五山貴縣爲祠祀之武苴倜儻多籌畧有儒將風所著
壯猷集才藻翩翩子欲棟欲楫

其志

莊志傳字可贊號念虛晉江人宋少師芟之裔萬歷壬辰
武進士歷任廣西指揮僉事值柳州寇警率兵征討論

功晉銜都督邑人劉麟長薦之於薊州軍門稱其身經
戰陣胸富韜畧膽識絕人至則嚴斥堠肅部伍烽火無
警邊境晏如晉封昭勇將軍致政歸性孝友兄守稷以
貢士爲縣尉沒而撫其遺孤崇禎末年海募不靖毀家
紓難營先塚恤宗隣鄉族賴以保全年七十四卒弟仕
俊廣西武舉

王有麟晉江人登萬曆甲戌武榜初任雙海把總善治兵
有戰功賜婚事當路屢起屢蹟官至叅將歸闔門讀書
所著有蓄德編百將傳補遺古今戰守攻圍兵法六十

卷曰叨國家恩厚無以報努力爲此卽不獲用他人用
之本所以報朝廷也

閩書

秦良牧字廣明號元菴晉江人椿孫由泉州前所舍人登
萬曆壬子武舉雅好詩書口不絕吟後以文事備弟子
員屢困棘闈崇禎三年以嫡長承襲昭信侯兵部考文
藝一等二名九年率兵援滁州夾攻江北賊戰于城東
賊潰虜軍追五十里斬首數百級七月從巡撫孫傳庭
討賊于整屋擒闖王高迎祥獻俘闕下磔于市十年正
月同秦翼明破賊于細石嶺擒賊首二人三月回所擇

泉州衛前所正千戶良牧少奇穎膂力過人長習經史
藝苑黃聲尚忠義敦孝弟惠愛軍士清廉好施歲飢民
死亡甚衆出宦資悉分閭里救活數百命當時頌之

王慶熊晉江人生有異質虎頭豹頤勇敢多奇策力能提
石八百斤射輒命中以將材補撫標把總嚴東兵勤訓
練歷蜀土蠻播亂題授征西守備進剿爛田壩生擒土
官安崇業王順斬蠻酋阿刺沙馬等論功陞松潘坐營
都司訓練七營值羊崗蠻夷攻三合等堡奉檄赴援生
擒夷酋董狼花兒等捷聞欽賞銀三百兩以病告歸時

閩中匪如當事者聞熊至喜曰賊不足平矣署中軍守
備督浯嶼兵航剿撫海寇袁進進素懼其名率衆歸誠
力薦進有大將材後果由裨校進大都督咸服其知人
永春賊王元塔據寨倡亂挾輕銳乘夜直抵其寨一鼓
擒之授浯銅遊戎守備紅夷寇鼓浪嶼熊率親丁隨王
忠等奮勇擒賊奪其三艘紅夷敗歸復率大艦直逼內
地舟高且堅刀及不能傷夷砲在千百丈外發無不中
中則人船俱碎諸將喘聚熊熟視笑曰吾計得矣乃以
小艇數十扮漁舟藏火具潛逼其旁乘風縱火棄艇挾

浮其泗歸援以巨船焚甲板十餘艘夷賊于火者咸溺
于水生擒大會牛文來律欽除剿夷都司譙夷傾國而
來築城澎湖爲持久計沿海受其蹂躪熊讖先選有智
勇者率義兵伺其出沒攻之前後擒賊若干人後乃大
徵兵直逼澎湖賊聞風稍引去歷驃騎將軍傳
國朝武蹟

林 孺

杜 輝 達

陳 昂

李 順 文忠

陳 芳

施世駿

姚堂

阮欽爲

徐日昇

陳珀

蔡璋

林章

曾成

洪秉鈞

裴震忠

林達

郭國祚

吳陞

王廷彪

洪範

朱文

潘承家

張國

林政

陳策

黃昱

王嚴龍

倪鴻範

施世黻

陳倫炯

萬際瑞

林君陞

施大英

胡貴

陳鳴夏

陳如雄

○林孺字世德號鳳山安溪來蘇里人幼倜儻有大志狀貌魁梧膂力絕人弱冠習知兵法爲承恩伯周全斌物已募入麾下康熙三年授千總職初駐延平後移駐湖

廣十二年吳逆作亂隨師進討攻取岳州七里山殺賊
有功以習知水務領舟師進洞庭湖血戰賊於水面密
布木椿維巨艦孺督率快船冒烟直進毀之克復岳州
自楚調闕克復海壇金廈等島又攻克澎湖三十六島
靖海侯施琅以撫臺之策詢孺孺爲定計琅從之臺果
就撫於是琅留孺在臺善後一年歷功累遷左都督
給拜他喇布勒哈番 三世襲陞廣東叅將湖廣寶慶協副
將貴州安籠總兵官以老病乞休未拜疏前已有調補
福建海壇總兵官之

旨疏至准原官致仕卒年七十有二

賜祭葬以子天育世襲

○杜輝弟杜達同安灌口人康熙二年自海上歸命輝授
總兵官左都督銜達授廣東都督銜四年授輝廣東右
路總兵官七年缺裁候補召入京

聖祖考試弓馬特授輝雲南永北鎮總兵達以原銜隨兄之
任十一年值吳逆反輝兄弟俱被脅至湖廣日圖歸正
密遣人赴大將軍 貝勒王軍前訂期內應謀洩兄弟俱
被戮其家屬僑寓廣東逆平事聞

賜祭葬贈輝光祿大夫遼東太守賞給家屬回籍銀兩
金米石等物

○陳昂字英士同安人少好學有投石超距之能弱冠
賣海上熟讀海島港門風潮險易總督姚啓聖將軍施
琅奉

命攻臺灣聞其能召與計事昂指畫南北風信四溟勝若
指掌現善之置麾下未嘗盡及戰澎湖身自搏鬪乘風
破浪所當無不披靡叙功授蘇州城守遊擊酒艘倖來
鼠竊不經昂指諭有怯兵民以報辱刺定海左軍兩遷

至碣石總兵官擢廣東副都統到任卽疏劾天主教異端惑誘羣愚隱憂剴切又見沿海關于洋禁謂其子曰濱海民生業盡在番船今禁絕之則土貨滯積生計無聊未有能悉此利害者卽知之又莫敢爲民請命我今疾作終此而不言則終莫達天聽矣遺疏上

聖祖嘉納之簡民有懷卒年六十八子翰翔次子芳皆以輔
幹勳業世其家

○李順字我武李文忠字世精安溪人皆光表子光表善騎射旣歿順兄弟皆遺亂卒出順有雄力習武授

浙督標副將李家逆僕盜墳事發族幾遭誣陷順號呼
奔走入言於總制搶首泣血力爭事得釋後歸里拜祖
祠旋還三山而文忠已歷行伍閒與順相逢叙昆弟之
誼後文忠以軍功起家授襄陽遊擊官矢石立戰勲晉
山西叅將移鎮虔郡晉爵都督同知駐潯州時鬱平桂
山兩有嘯聚廣設方畧或殲或撫盜靖民寧卒於官順
子天政功加左都督南灣叅將

○陳芳字名侯同安人都統昂次子官碣石遊擊性嚴毅
貌魁偉能挽數石弓當為把總時稔鹽捕以私鹽誣人

動輒破家產罹刑獄白於當道力除之調吳川遊擊有
造孩子酒者取出胎孩投糟中吸其氣釀爲酒可補元
氣孟值錢百吳川之孩子罹其毒者無慮數十百人事
覺吳川令薄罰釋之芳聞奮臂起曰此何如事不除其
人而絕其害非夫也立揭其事於兩府照採生折解罪
寘極刑其害遂絕吳川父老傳其德不衰後以病免年
四十六而卒未竟其用時論惜之子璵廣東大鵬參將
○施世騷字文紹晉江人靖海侯琅姪丁巳之役請寧海
將軍喇哈達陳敵可取狀爲嚮導克復漳州授遊擊隨

其從父琅討平澎臺擢 涿州參將陞張家口副將丙子
扈從北征陞延綏總兵以內艱歸

○姚堂字爾升由龍溪移居晉江弱冠從戎塞外歷官閩
安副將北茭汎爲盤驗商船之地水中巨石多壞舟詳
請移于汎外商人德之陞處州總兵移鎮臺灣綏番蠻
戢驕兵禁汎口需索陞廣東提督移福建水師入

覲歸道卒 予祭葬墓子入監

○阮欽爲字石博晉江人數歷戎行以智畧自負爲長樂
守備調銅山鎮從水師出碧湖口遇賊衝海澄平金廈

兩島復隨將軍施琅克澎湖以功轉台州副將擢汀州
總兵官調南澳欽爲起偏裨至大帥所在俱著威惠以
勞卒于官祭葬如典 贈太子少保素所仕宦之地咸捐
貲茸 文廟設義學有古儒將風

○徐日昇字天章號承菴惠安人居晉江由行伍爲南澳
千總隨大軍克復海壇金厦攻取澎湖臺灣屢立戰功
議叙功加左都督仍帶餘功二次擢山東撫標右營遊
擊署中軍篆推陞山西偏關叅將四川夔州副將嗣以
水務諳熟應仍用之海疆授江南金山叅將補閩安副

將雍正初年

特授金門鎮總兵時年已逾八旬據鞍矍

鑠裘帶從容越年卒於官年八十三所遺僅屋數椽田數畝家無餘儲喪事不逮

賜祭葬長孫鍾陵一品蔭生次子元偉千總

○陳珀惠安人由將材吳三桂變亂授偽親軍水師前將軍康熙十八年正月十八日帶印率領本標官兵大小船隻盛甲什物燒營獻岳州城投誠授援剿左路總兵官加左都督在安南沙子哨身先士卒奮勇殺賊陣亡

經總督蔡毓榮題報准蔭一子以守備用

雲南通志

○蔡璋字秉鉞晉江人以平臺功屯興國值吳逆之亂力拒僞檄

俞旨褒嘉從征建昌大小數十戰擒僞帥殺之授南昌總兵調撫州克復金谿復剝醴泉廣信崇安光澤諸郡邑賊所向有功嘗以數千人破黃通賊數萬眾以勇聞移鎮順德率軍平蕉島賊賊遁圍瓊州璋疾馳往救焚其巨艦賊潰登陸與戰于五指山大破之給被虜男婦數千口資糧護歸以勞卒于官

○林臯字伯宏惠安人從將軍楊捷來征海寇破潮山

據西人洞諸處擢提標遊擊又以克復金廈諸島功晉秩七等賊餘衆猶保江東橋灣要樹等砦總督姚啓聖趣兵南下臯率所部先登攻劉園軒所築十九砦平之加施沙喇哈咨改蕪湖遊擊會征噶爾且轉餉有功陞東充叅將旋遷定廣副將申明紀律招徠蠻苗遠近帖服積逋以清擢南澳總兵飭營規刷陋習兵民便之年八十七卒子士佐世襲施沙喇哈咨。

○曾成字平卿晉江人平臺之役署後軍遊擊事旋爲先澎湖有功授興國叅將時賊陳必富攻陷漢陽黃

州等郡勢猖獗甚成登陴固守與戰于繡毬墩大破之
賊益衆來攻相持八晝夜援至乃遁成乘勢攻復黃州
擢杭州副將調象山遷碣石總兵擒平山陶娘諸盜海
上以寧告歸卒

○洪秉鈞字元衡惠安人康熙十九年隨征臺灣連復十
九寨及海澄金廈兩島功加左都督授邵武營參將值
歲飢設法賑兵軍士不匱捐脩文廟立有文德武功
碑歷陞肇慶參將荊州總兵卒于戡以蔭授禮部郎中
隆雍正壬子副榜成雍正癸卯副榜壬子舉人任華容

江華知縣

○裴震忠晉江人康熙十九年率眾投獻廈門城授副將
剗命往臺灣宣揚

聖化招鄭經等歸順兵部給副將原銜剗付康熙二十五
年羅利犯邊震忠帶領閩省藤牌兵隨大將進征五次
奮勇爭先俘馘無數大將軍給賞銀幣叙功授龍門水
師協右營守備引

見記名在任十四年東兵安民地方寧靜三十九年推陞
陝西左營遊擊以染血疾乞休原品致仕

○林達字敏仲號近亭晉江人海壇總兵賢子弱冠習戎事諳水性隨父攻克澎湖臺灣叙功授左都督辛巳隨定海鎮監理至天津接

駕發直隸授霸州營遊擊調鎮海右營遷萊州叅將擢杭州協副將民居墻垣皆竹片苦火患達遇火躬先登屋率衆撲救不致延燒杭人感德陞浙江黃巖鎮總兵汰陋規禁販米出外洋捐脩文廟學宮敦詩說禮有儒

將風

世宗登極賜錦緞弓箭赴京

陞謝以年老乞休歸年七十三卒子振齡雍正丙午己酉
兩科副榜以蔭任奉天治中

○郭國祚南安蓬島人泉有江枋子名幾爲海上鄭氏黨
聚衆竄武山中蔓延衢信其卒皆裹頭露足登高輕捷
如飛官軍莫何國祚年方二十餘與江右翁韜謀爲闖
撫吳留村諭降書牘越壑踰巖抵其帳下江發書怒欲
殺之僞總兵高茂方力諫勸降釋之歸而江幾尙猶豫
未決國祚偕韜徑造吳公請見陳江幾可撫狀並請擅
假書牘罪吳大喜立作手札擇有幹畧者偕行江幾遂

率所部七萬餘人降國祈讓功不居後改名世耀應選
勳闕爲千夫長值臺灣未靖金門總兵陳龍以世耀善
習水簡令率甲士結陣揚航隨靖海將軍施琅平之叙
功加都督銜授古北口遊擊

聖祖北幸召見解所御日本貢刀令世耀跨赤驪以試大嘉

嘆遷叅將擢廣東副將

安國祥實泉南安人
翁稱

載江右人誤也

○吳陞字源澤同安人本姓黃爲總旗禦賊于累塘授千
總又從征金門廈門澎湖臺灣以功授陝西遊擊擢廣
事副將調瓊州自瓊崖歷劍鼓經七州洋四更沙局連

三千里躬自巡視地方當諭陞定海總兵官設法捕盜
奸宄屏跡晉浙江提督改福建陸路雍正三年 加太
子少保明年卒 贈太子太保 予祭葬諡恪勤

○王廷彪晉江人由武舉隨施琅攻克澎湖叙功加左都
督授龍泉叅將遷石匣副總兵辛未癸酉兩扈

駕出塞陞古北口總兵 賜金 賜緞丁內艱假歸卒

○洪範字壽其晉江人初授千總委防宣平賊兵犯境敗
之隨大兵攻賊小門山連破十三寨斬偽將朱仁林忠
等復興泉擢中軍守備從平金廈克澎湖招撫偽將房

錫鵬等晉左都督官同安營事轉湖廣叅將調江南會
用兵西陲趙糧赴軍邊慶陽副將凱旋陞海壇總兵卒
詰贈太子太保 子表芬

○朱文宇彬臣先世襲封永寧伯指揮遂家晉江由行伍
歷官至閩安鎮遊擊征臺寇朱一貴調至廈門制軍集
衆畫策羣議欲分中南北三道以進文曰風潮之中分
易合難若聲言分路進兵令賊應接不暇屆期合兵專
攻鹿耳門直搗坎下則險要屬我破賊必矣從之命爲
左先鋒會提督尅期進兵遂克臺灣搜捕賊黨民多挾

怨相誣審訊開釋全活無數旋追剿北路獲賊首招
餘衆搜叅將請築諸羅城並捐修 文廟遷安平副將
羅海壇總兵官歷署水陸提督金門鎮皆奉公潔已訓
士厲兵卒於金門官署年六十三弁官編素列肆痛哭
遺疏上

賜全祭奠

○潘承家字可欽南安人由行伍隨征臺灣授千總

先祖南巡護

御舟以閩人多諳水務擢守備轉遊擊遷安平叅將超陞

泉州府志

卷之五十六

國朝武蹟

七

碣石總兵卒 予祭葬蔭一子

○張國宇昭侯晉江人以平臺功授襄陽遊擊會剿紅苗以運糧功遷臺灣北路叅將秩滿陞福州副將轉臺協擢定海總兵官出巡沿海至盡山花鳥搜獲海盜張元楊運等散其黨而歸及卒 予祭葬蔭一子

○林政字叶山晉江人父環昌明亳州守政以從征澎湖功加左都督復隨征噶爾旦有功歷官本省陸路提督中軍陞江西袁臨副將未行值臺灣朱一貴作亂從總督滿保征剿力戰於七崑身臺平署水師勦擒卒

○陳策字鍾侯晉江人由桐山守備調淡水康熙六十年
臺寇朱一貴反臺地悉陷策以孤軍方守一隅好人范
景文入境煽誘策搖蕩正法民賴以安及大兵入臺援
兵亦至淡水制軍滿保加策遊擊職銜剿北路收復南
坎竹塹中港後壟及吞霄大甲大肚諸社落以功擢臺
灣總兵官未幾卒於官

賜祭葬雍正二年給卹賞銀二百兩子慶蘭雍正丙午舉
人任莆田教諭

○黃昱字惟日晉江人鳳翔孫顯中子以招撫功授參將

職旋補宣鎮游擊遼蔚州叅將皆有勞績屢改長沙花馬池靖遠副將從征噶爾旦師旋告歸年九十二卒

○王嚴龍安溪人康熙丙戌武進士任江淮守備居官鎮靜兵民相安頗嫻文墨詹事陳萬策贈詩有高談飛白雪雅度對長淮之句會同事者激兵鼓諫波及於龍總河訊問羣呼不干王佛事免歸著有詩韵解十卷卜筮方書七十二卷

○倪鴻範字伯疇號隨菴晉江人明學士維哲裔康熙辛卯武舉會臺灣不靖父興時爲提標中軍叅將例應召

守鴻範承父命招募丁壯自備器械請大帥麾下効力
從攻鹿耳門先登陷陣又窮搗賊巢生擒賊將蘇張周
和等以功授千總加都司僉書入侍衛授平望守備奉
命留京師旋授蘇松中軍遊擊南北要衝奸匪叢集鴻範
勤緝密防商船安堵辛亥秋潮暴漲淹沒廬舍兵民乏
食星夜冒險白撫軍亟集米船全活無算陞川沙叅將
有王大聚黨迷誘兒童採割折生匿支河莫能踪跡鴻
範獨廉知窮捕抵法其害遂息陞嘉興副將八年閩餉

奉

旨運米十萬帆海刻期而至桑梓利賴陞溫州鎮開萬全
斗門造華蓋山瞭臺以資灌溉防火災捐建有嬰堂調
南灣鎮歷署福建水師廣東全省提督俱著威惠陞謝
江提督巡閱軍伍重山複嶺中衝犯嵐氣疾作股腫綸
簡閱不稍懈至縉雲卒年六十九鴻範篤好讀書欵接
文士廈門玉屏書院久廢爲僧所據署提篆時會商道
府擴清鼎建至今雜誦不絕晚年耽吟咏有和

御製詩紀行文著有玉堂和聲同聲西湖武彝羅浮晉江

南安惠安同安安溪名勝諸詩集數十卷

○施世勳字文敬號盛園晉江人康熙乙酉武舉善騎射
諸韜畧辛丑臺寇朱一貴叛發世勳散家財募死士詣
軍前獻十策隨南澳鎮總兵監廷珍攻鹿耳門擒賊將
蘇張周和等餘寇殲焉獻俘時征袍上血淋淋注地同
列見之皆失色論功授都司僉書職銜未幾卒年四十
未竟其用人咸惜之

○陳倫炯字次安同安人都統昂長子爲諸生博通羣書
尤留心諸外國夷情土俗及洋面針更海道著海國聞
見錄行於世

李祖石充宿衛長身玉立鬚者整然上雅賞識之嘗隨從打
圍口外偶問及外夷情形對答瞭瞭悉與圖籍脗合辛
丑臺匪朱一貴倡亂當道上其事頗廣

宸慮時適直侍跪奏曰烏台耳會須刻日平也為詳陳所
以易平狀及平賜孔雀翎發關補用總督滿保稔其
才題設臺灣南路兼將捐倡築城以爲屏衛嚴紀律撫
瘡痍厚威金用民夷以安

上嘉其績晉安事剛辦康兵撤具一如南路時尤憫辛丑
死事者思以風厥後建五忠祠祀許雲以下五人旋總

鎮臺灣益勵已卒屬清苦自奉時有總鎮清廉補破靴
之謠歷調高雷廉蘇松狼山諸鎮皆赫赫有聲而在蘇
松則爲崇明人廓清數十年匿糧積弊尤卓卓可紀乾
隆壬戌

命提督兩浙軍務兵民視之如父母倫烟撫之如已子上
下相安五載墨誤鐫階奉母歸里備盡孝道士庶宗之
卒年六十有四

○萬際瑞字爾覲晉江人正色子際璋弟本捐授主事候
補會

聖祖仁皇帝駕幸豫州際璋伏謁詢及正色子有武畧者以
際瑞對遂召入宿衛八年出爲保定叅將歷陞至廣東
提督粵地番舶轉集貨賄貿易帥府舊有陋規悉革汰
之一絲不染惠州大水造木筏以濟四門賑粥全活多
人調任浙江俗率停櫬不厝際瑞捐購義塚給民安葬
至今德之後以老病告歸年七十卒於家子師敬舉人
知縣

○林君陞學聖蹟院敬亭同安人由行伍授偏裨康熙六
十年奉調帶兵押餉赴臺灣查臺地情形爲上官所

器擢黃巖鎮遊擊雍正四年保舉引

見賜貂皮克食以請練承

命交總督以水師副參題補

授瑞安副將旋奉

命

命

命

旨特授定海總兵一歲三遷蓋異數也至則嚴守禦飭巡
邏沿海救寧壬子秋大飢軍民乏食多方設法全活甚
衆乾隆二年調鎮汀州越二年調碣石旋調金門復值
歲荒籌畫接濟軍民以甦七年以都督同知授廣東提
督迎母就養丁內艱服闋暫補臺灣總兵未半載仍授
廣東提督續調福建水師提督復奉

旨調廣東提督凡三至粵兵民稱慶甫半年調江南提督
駕馭并兵威以法撫以恩大江南北晏然寧謐公暇縱
觀書史臨池得草書三昧或作大字高徑丈喜吟咏自
成一家言旁及星命之學推算入神尤敦倫誼撫姪如
子內外親族急難喪葬傾貲助之卒於官年六十八遺
疏上據官致祭

賜全葬加贈一級謚溫僖所著有自遣偶草及舟師繩墨
救荒備覽等書子植以蔭生授大理寺右寺丞

○施大英字喬侯號毅園晉江人少負材勇隨提帥施世

累麾下有利盜剽劫商旅自請領兵往捕縛而獻之以
功授舟山千總上官薦援歷陞守備遊擊兵民輯和護
理黃巖鎮總兵印務浙海無波雍正元年入

觀擢銅山營叅將兩次保列一等乾隆十年復護理金門
鎮總兵印務嚴刁斗勤操練地方寧謐未幾回銅山本
任卒於官士民哭奠不絕大英居家孝友事親得其歡
心暮功弟姪視之如子族隣告匱周恤不倦在官簡閱
之暇不廢書史頗有儒將之風云子世輝江南奇兵營

遊擊

○胡貴字爾恆號潔峯同安人少有智畧習韜鈴精騎射
留心水務風雲氣候港汊險易靡不周知由行伍授水
師把總千總擢守備陞南海遊擊玉環叅將閩安副將
蘇松潮州瓊州總兵廣東提督調浙江一載仍調廣東
歷官三十餘年草陋規勤訓練嚴巡哨慎舉劾於救災
弭盜尤惓惓加意在蘇松督運漕糧十萬石來閩賑飢
至溫舟遇颶風波濤拍天雷電交作貴望空禱風旋息
沉糧艘一米五百餘石奏請捐賻

特旨豁免回崇明是年七月狂飈陡發海水驟漲漂沒廬

舍人曰盈萬兩而崇明令發賑令以未辦爲辭貴曰難
民死在頃刻寧能俟報有誣吾自當之卽開倉賑濟又
慮邑惟雜職數員勢難周遍令標屬四十餘員協同分
賑衆有難色毅然曰若等非以衛民乎倘賑有不周因
而致變若等豈能免患三而飛摺奏三聞星報兩院撥
帑金十八萬倉穀二十八萬盡救接賑民賴以安隨
奉

上書發嘉在粵東儘迎匪王亮臣貴王琰莫德豐等倡亂
飛檄邊界預截逃路分遣部將往增城虎門華峰藍汾

二山諸要地嚴行搜緝而增城在萬山中尤緊要亟勒
兵策馬馳鎮之適制府阿里衮亦至分道進搜阿公從
擊峰八貴從藍汾入諸逆次第捕獲積至二百餘名復
與阿公籌善後策添汛設司而山谷永寧寧 聞加
賜花翎撒袋弓矢及自浙再諫廣東不二載以疾卒
於官年六十有四

○陳鳴震字雷若嘉安人雍正甲辰武舉丁未武進士選
侍衛越年辦永定河工事竣授京營守備調江南江北
泰興營旋改都司聖補江南蘇松遊擊擢吳松水師參

將松江有福菴寺爲閩人貿易轉集之所或死亡無力
歸葬者不可勝計鳴夏倡建義塚伐石以記之松地濱
海商船漁艇應輸規例悉行革除陞京口副將浙江定
海總兵官禁陋規如吳松時魯陀寺進香男女雜還風
教所關移文地方官飭禁復念僧貧無資捐金充寺租
補授江南提督調廣東卒于官

欽賜祭葬

據陳氏
德實

○陳如雄字飛翰惠安人雍正丁未武進士授三等侍衛
欽差古北口閱兵紀律嚴明初任京營守備都外竊賊橫

行吏莫能捕如雄設法緝除宵小歛跡議叙加二級出
署平涼遊擊補授嚮水都司地爲榆林重鎮漢夷雜處
素稱難治勤操演嚴釐剔邊境又安調廣西桂林城守
遊擊卒於官

元捍衛

林天祥

林天祥字時若聞安素未里人嘗司鎮安邊事會不層升
斗樂自備與流補任會都賊掠其屋邊地往漳及歸
邑再自備則率里人築堡地方神禦老稚頌之爲人丙

寬夷而外和易無迫隘之度蹠矯之容上則交孚其誠
下則各得其欲年六十八卒里人哀悼如其所親

節林登州

明禔衛

郭源

郭幹平

蔣君用

葉元齡

陳言

許福

林昌

鄭鑣

陳則賡

蘇聚庶

謝錫彤

朱和

黃大任

郭源字本潮號哲齋晉江人父編爲里正有剽繁理劇之才事辦人服賜冠帶應鄉賓源慷慨倜儻當事智而有斷與人和而有禮父營別墅于王宅鄉命居之鄉皆王姓每事相梗會海寇釋騷邑令稔其能令集義兵以衛鄉間源選年少有武勇者三十六人置左右以恩結之皆感奮用命寇聞不敢犯重然諾恤貧窮善平里中曲直由是譽歌十三社胥頌之年三十七卒臨沒以不獲

終母養爲憾死後時時現靈家人彷彿見形聞聲几上
果品自丟擲夜時里中戛戛馬蹄聲喚人姓名聞者輒
病禱之而愈殆豪俠之流歟

郭幹平惠安百奇人有武勇兼能墨菊成化初海寇登岸
卒至其家幹平操挺禦之于門賊退追及隘巷中擒其
渠魁金黨從無遺者自是賊不敢犯境有司上功給冠

帶閩書

蔣君用晉江福全所人爲諸生值倭寇發孤城子立衆謀
竄郡城以免君用悚然曰吾先祖起汗馬勞移籍茲土

以保子孫捐先德非孝避難非義坐視里黨焚溺非仁
爲聞陳禍福利害俾各協志圍城人素服其孝友信義
胥委重焉卽司蒙者亦聽命屬靈雨疾疫比屋呻吟拊
循之如同室病者予藥羸者予粢勝戈者予餽備朝夕
乘鄣開出奇攻賊柵連蹂五營賊遂捲甲宵遁計經晝
盡瘁目不交睫者四閱月捐貲至三千金家以落不爲
悔僉事萬民英欽其誼將爲上功于督撫君用遜謝曰
諸大夫德庇也閭閻卒伍用命也君用何力之有人益
高之初督守時嘗病臥一夕夢神告曰若爲德下鄉與

若鍼藝勿藥瞿然決汗而愈後鄉人相率建祠祀之
請黃鳳翔爲文記焉子光源萬歷辛卯舉人辛丑進士

葉元齡同安人忠義秉乾孫嘉靖閒漳贛寇發元齡應義
捧郡檄督機兵於上杭衝風冒雪蒙烟犯瘴涉歷巖崖
荆棘閒與士卒同居晝不安坐夜不貼席食不下咽
者幾一年旣而大兵四集齊力奮討渠魁授首凶黨破
滅積年逋寇一朝掃除上功論賞錫幣帛郡縣卽家致

勞邑人林希元爲序贈之

節林次
崖文集

陳言晉江人孝弟篤於家誠信孚於鄉嘉靖之季寇盜披猖言挺身入賊壘說之賊將加刃談笑從容毫無懼怯諭以生死禍福之關於是羣醜悔悟相率納款各遣歸農郡邑以寧事平不自言功越二十餘年有言於郡太守竇子偁者延以賓席不徃復贈以冠帶於是言之功始聞於人言旣歿里老上其事於攝郡卜履吉申聞巡按劉公下郡邑附祀於衛民祠配太守熊尚初之側未幾縉紳疑而擯之其子諸生身臣乃請於太守蔡善繼請得自爲祠以郡縣巡按爲徵有司仍春秋俎豆焉太

守從之

許福號西浦同安人嘉靖戊子第六名舉人乙未進士歸家養親幾二十年值倭警團結鄉社邊方無虞未仕卒

同安志

林昌安溪泗嶺人龍巖有機智性褻慈惠好拔人困厄所居地舊多患寇寇至則舉族逃窟山谷中昌出貲財築樓十仍基墻高厚中列正樓繞以外樓倉園井臼爨甑床登之屬皆具分居男女外樓具穿窬孔可以開弓發鏡炮外溝三大許嘉靖中白葉坂寇至不得攻大服昌

所爲使人謂昌曰林君豪俠長者吾願見之昌與隔水相見各出餽餽酒食相遺會語昌曰君樓甚堅吾以火箭遠射則奈何昌曰吾堡中溝水穿通車戽提灌立撲之矣僞嘆息去去年倭寇猖獗人皆來樓中避寇倭聲言攻樓甚急昌謀種耕作若無事獨令人買弓矢火藥募戰手寇至攻樓連二日昌率衆抵禦之斃賊四十餘而樓中人中寇矢者一人而已久之斃其酋一人寇各閉營不出昌夜出盡募戰手寇已引去人名其樓曰磐

宗樓昌年九十餘卒入

安漢

鄭鐮字繩可號石崖平江安平人爲人篤實知大義嘉靖
辛酉倭來攻鎮城鄉有陳大經鄭舜爵謀爲內應鐮與
舜爵隣居夜同守城見爵等製辦凶器心疑之俄而其
妻密報曰今夜賊將攻城吾隣人約爲內應須速避出
城鐮曰吾避去如闔鎮人命何遂聞之方千戶發其奸
遣官圍擒獲大經等內應之器審實俱出同夥併殺之
是夜賊果攻城乃以大經舜爵首投之城外賊知事發
遂引去闔鎮得全時黎民望避居城中議聞之郡邑給
冠帶鐮曰今四方盜賊蜂起未能盡除恐以賈禍乃止

安平

志

陳則賡同安人郡諸生聰敏多智天啓庚申壬戌紅夷猖獗賡時爲軍門贊畫以計靖之臺省交章叙功第一子

官不受

同安志

蘇聚庶安溪珍田人明崇禎十一年強寇廖君應君禮焚劫村舍聚庶督率鄉兵戢靖十五年陳爾峰潘惜復煽亂聚庶糾衆搏戰擒之未幾強賊張六角起焚掠湖頭盤踞感德里勢甚銳聚庶復會鄉勇分道夾攻戰於康越山躬冒矢石生擒賊軍師王開十七年賊首鄭元等

復寇又同屯兵擒之屢次襄糧從征不費官糧歷擒渠魁不損一兵捍護鄉閭富道多其義勇于把總劄付旌

其門

安溪志

謝錫彤安溪永安里人好勇尚義以武生充邑練總當明季海寇竄起賊酋林邦式劫殺鄉村勢迫城郭官民騷動彤以弟振嘉齊力過人命奮勇擒賊不數日果擒邦式於新溪里餘黨解散縣令施酬素多其功贈以義切請纓之額

安溪志

朱和字爰介惠安人參政一龍姪力學不遇遂傾其家產

延師教子環堵屢空晏如也及子成進士擢居諫垣和
謙退益加其溫厚之氣搢之如披春風鄰鄉有漆橋沈
沒往來病涉和捐貲修築一如康莊仍捐修大路直北
之碣石橋知縣李沾新建縣城東西二砲臺和揮金倡
率不費民財民力尅期告竣邑人爲之勒石明末海寇
屢肆侵掠和募練鄉兵捍禦惠北之民咸賴安枕子又
煥天啓辛酉壬戌聯捷進士累官叅政

惠安志稿

黃大任字宏叔安溪人三歲而孤後雖以次出繼而能孝
其嫡母生母蒸其兄終身未嘗列坐並行好義舉嘉靖

辛酉賊寇諸鄉大任倡造寨堡教民練武縣因請統鄉
兵守大深來蘇等險衆賴以安有司上功撫院授把總
大任辭曰吾不忍鄉井羅盜苦耳何以此區區爲竟棄
去里有叅材山故樵牧所或獻之勢家大任鳩族清還
鄉人至今德之令建縣治協力營之其他橋梁嶺亭多
所修築里中人咸稱叅山德義叅山其別號也

安溪志

國朝捍衛

黃明台

辛輝英

莊烈

李光垠

李光益

洪啓範

洪寶基

陳濬

王時邁

維城

士厚

白灝

吳漑

李光埏

李光斗

李治

王佐

林宏才

陳啓鰲

啓麇

鄭士熊

鄭士亮

陳司可

鄭克贊

劉俊

沈高攀

高有聲

劉望龍

李光徵

黃登輝

周允隆

李鍾準

○黃明白字晉國晉江人性機敏有智畧 國初海氛方

熾盜賊並起族人黃斗世爲寇所脅陰受約束許爲援

明白陳利害力爭不可止旣而賊推吳覲爲魁覲黃

之家奴也與其弟吳二火尾俱以武勇著黃氏素易之

度不敢違明白謂斗世曰蜂蠆有毒聚則爲害事成吾

屬無遺類矣順治四年四月吳覲聚數千人插血爲盟

先加刃於斗世妾毀其家遂大出劫掠時官軍棘靖海
未遑及草竊明台立木棚集鄉兵禦之覲方攻台益固
守無何賊勢猖獗力不能支五年十一月大將馬得功
自省抵泉明台伏萬安橋覆以草俟得功至起抱馬頭
曰郡北有難宜急救得功疑有詐叱斬之大呼曰奈何
殺義上方今奸宄竊發縱橫數十里若不急除瞬息抵
郡城矣得功未之信明台具結以一家坐乃縛與俱西
師行四十里歷洪瀨仁宅虛無人欲殺者再憇顏寺見
釜竈數日指謂曰驗矣賊方散也探之灰未冷乃解縛

奇為牙導是時難黨數萬分為三寨吳尾據香爐寨吳
二據玉葉觀自據牛嶺菴得功卒僅三百不敢前明白
曰香爐率而乏水宜先攻從之吳尾為被擄者縛以獻
乘勝攻觀道險敵眾將士難之明白曰烏合不知紀律
聞官軍至皆倉皇宜乘聲勢奪之乃多增旗幟樹山中
使卒繞行而過日夜相繼寨中洶洶有離志觀宵遁明
台誘觀婦偵知其處縱之於笋坑石室中玉葉遂解籠
明白誘金溪隱焉

明黃野
樵傳記

○辛酉某年庚晦號木生晉江人從一鷲天庵下卯舉人

任寶慶府推官輝英年十九爲南安諸生隨父之任竭力贊襄事父母至盡誠悃盡禮親友困急解囊不吝康熙壬寅兩島不靖藩司稔其才命賫書往招撫先是兩次差員俱爲海帥所礙人咸危之輝英謂從前當事者未得兼與受事者不諳情理故事不濟乃往復籌畫允渡潘左宜布樓威于是潘翼侯慕恩伯統率弁兵歸命兩島以平制軍李率泰拜疏稱輝英議謀于先勞績最著值事要滿故事途中寢疾丑寓襄陽值甲寅之變主兵將與輝英交好干戈擗攘無事多羅鋒鏑輝英多方

救解全活千餘人川湖總督楊茂勲聘入內幕一見如
舊交年餘假回濟東道陳俞侯復聘至山東兩載歸卒
年八十二

○莊烈字藻山晉江人際昌子爲邑諸主順治壬辰癸巳
海寇焚劫烈捐貲募鄉勇斬賊衆南關外七十餘鄉賴
以寧其歿也鄉紳士請於邑令王承祖爲之立碑碑在
二十七都路左

○李光垠字賜卿安溪武生戊午歲蔡寅煽亂攻縣城光
垠佐兄光地率鄉壯擊敗海寇圍泉州復捐厚貲招募

鄉勇捍衛梓里 康親王大加優獎割授叅將巡撫吳
興祚援泉州阻於白鶴嶺光垠同從弟光埏夜衝寇巢
俘獲甚衆遂迎王師收復永德二邑而泉州圍解叙功
授守備施琅攻取澎臺復叙光垠績加左都督委署晉

江營遊擊

安溪志

○李光益字利卿安溪人當海寇圍泉中丞吳興祚將由
永救泉被賊踞白鶴嶺峻險難越

李光地令

光益領鄉壯接引光益潛師乘黑夜陟巔直逼寇壘斬
關奪隘賊驚竄大破之黎明詣幕獻馘吳中丞嘉其勲

曰此神勇也記名特薦授守備

安溪志

○洪啓範字爾錫南安英山人少讀書沉靜有智慮時海氛未靖山居一授族推範爲砦長性方嚴慎密不少假備威敵憚無敢犯者是時泉標朱中軍威望素著爲一郡長城與洪氏深相結山寇陳申李復貴會攻洪砦中軍提兵擒二酋鄉人以安丁巳戊午閒白頭賊攻圍安溪相援兵於嚴嶺嶺峻溪惡相持累月安溪幾不支啓範曰從吾鄉閒道由英格出賊不意可救安溪官兵與吾柵首尾有德而不報非義也惟見朱中軍言其狀中

軍旌之送之出門曰平時握手歡若兄弟至軍中則無
戲言吾子慎之範曰願當軍法途道官軍攀陟而上以
鄉兵爲前鋒是日重霧瀟山谷其抵嶺上據勝地賊乃
覺一戰仆其旗遂潰其衆填坑坑谷不可勝數乘勝抵
安邑解其圍於是洪氏義聲聞於七邑制閩郎公上其
功傳

旨褒嘉富裏旌以扁曰壽謀匡國清溪人至今噴噴焉

○洪寶基字伯珍南安莫山人爲諸生慷慨有大節時海
上多故山寇竊發族推基督鄉兵備盜捍衛山岩一鄉

賴焉嘗從數人巡徼至石坑猝遇巨魁廖丑丑爲賊前
鋒驍勇冠其屬縱橫安同所向無前同行數人皆悄悄
引避基不知其爲丑也挺身迎之丑素識基呼其小字
曰爾書生今日可惜丑且氣吞之基亦健鬪相持頗久
同行有飛石助之者竟擒丑梟其首而歸由此名震鄉
邑提軍段公嘉勞之後白頭賊攻安溪寶基復與族叔
啓範率鄉兵由閒道解安溪之圍事載安邑志會海寇
鄭氏派餉至英族人奮螳臂攻殺之鄭大怒且剿洪氏
適族中有與鄭素交者哀解稍釋以一校行查洪氏紛

紛欲逃竄。基曰：此時州郡皆鄭境，逃且安之。彼既以查爲名，順則撫，逆則剿。我逃是彰其罪，而益其怒。吾族不保矣。乃領鼓吹前迎十里外，誠族人曰：若等登砦望吾信息，吉凶以決。進退吉則皆前，凶則各任所之。吾一身當之。海上校見寶基大喜，下馬揖曰：固知公等無他，吾豈以數人累一族。洪氏由是獲全。寶基質直敦族，誼遇有公事，義形于色。晚際昇平，享壽考。每首春，輒置酒召族子，課文酒後，舞蹈述壯時，擗廖丑事。

○陳濬安溪崇信里諸生順治丙申開永寇林日勝掠進

德卿濬率丁壯奮擊賊帶傷遁倒橋堡復率衆躡追賊
援絕焚堡逃入珍山九龍遠雞縣界而後止時山寇竊
發未靖當事者給劄委以內社總練保護鄉閭

安溪志

○王時邁字任式安溪人少恢廓有大志精文藝兼講藝
幹年二十補晉庠時草寇常竊發蹂躪鄉間提督馬得
功入安溪剿賊時邁與弟寅傾家助糧得功知其豪毅
給以金牌俾統率防禦邁遂糾合七社訓練其衆與寇
林良陳爾峯等抵敵數次賊散走不敢犯境堯陽留山
羅巖舉魁等二十餘村之民賴以安堵子維城邑舉生

嗣為社長提督張公復付以鄉練之任值蔡寅寇趨城以鄉兵破走之復有張毛皇者聚眾自同安來劫安溪城遣子監生士鳳率鄉兵阻之於險坑盡殲其眾其後陳五顯起士鳳與族叔文雅統鄉兵拒之舉魁賊以遺散王氏遂世為崇信新康二里社長里人胥賴

安溪志

○白瀨安溪依仁里人武生慷慨尚義嘗從李光地協力禦寇挑練鄉勇以靖海氛事畢 康親王欲實授守備

以母老辭不受

安溪志

○吳澆安溪人康熙十七年海寇圍泉州時靈海將軍劉

原
书
缺
页

原
书
缺
页

海上號白頭賊剽劫郡縣相國光地結族保衛鄉閭光
斗傾貲贊襄白頭賊攻縣城光斗遣僕黃鵬領家僮數
十人佐邑令李鈺堵禦擊敗之是歲海寇圍泉州急甚
寧海將軍喇公統大軍救援入杉關駐師漳界寇斷江
東橋師不得達光斗率鄉旅閒道過漳平石柱嶺鑿山
支橋迎導王師由湖頭鄉出安溪進援郡圍遂解時

兵復薦興追呼孔急光斗爲邑人代輸不取其償

安溪志

○李治安溪人少知兵事出入戎閒泉郡被圍絕糧日久
危困甚大學士李光地請援師未至而患城中不支與

身少月元
卷之五十一
治商治薦董升翁已二人能沒水行臨河至城下夜呼
守陣者懸二繩以上合城歡呼堅守數日 大兵逼至薄

寇遂遁去泉圍得解治與有勞焉

安溪志

○王佐安溪感化里人父應基精於醫年屆九十步履如
常舉鄉賓佐享年亦八十康熙丁戌開大學士李光地
糾義族捍衛鄉里令弟光埏光垠奪白鶴嶺迎巡撫吳
興祚之師於仙遊佐與戎行不辭勞瘁以軍功劄授千
總總督姚啓聖委署本邑防守

○林宏才安溪依仁里人武生慷慨仗義初海氛團練防

禦保護鄉間出家資招募壯勇以破流賊時有白頭賊
蔡寶黨夥獗獩剽掠村落聞其嚴警不敢擾犯總督姚
啓聖劄付通判以母老辭不受

○陳啓鼇安溪人素勇義順治乙未海賊索餉屯寨啓鼇
與其兄啓簪爲賊所羈啓有膽識夜縋而出詣永請道
場義兵來攻寨門而難解康熙庚申歲飢粟價高騰廉
減價備仍多其出糶碾米施飯

○鄭士燕字淑禮安溪人攻舉業癩賴相畧登武科非其
夙志不赴銓選戊午海寇嘗隨相國李光地舉義兵道

王師下永邑解泉厄力辭薦辟

○鄭士亮字淑時安溪人值寇亂有捍禦雄才外交陷於寇不惜已貲傾囊贖歸又嘗於干戈擾攘中冒險捐軀以保祖母一族之難壯歲捷武闈未服官而教子廷嘯舉人知縣

以上俱安溪志

○陳司可安溪人慷慨好施鄉遭寇掠人無安宅司可出已貲營堡以衛鄉閭邑有舉爲鄉宰年八十三卒

安溪志

○鄭克曾字潤甫安溪常樂里人性廉簡多藝與鼎輩後聞中山海沸騰賊據永春帽頂山附近村落皆與連和

贊獨曰彼賊也安可與和率族衆禦之所居堡隘別建
新寨甃瓦材用獨費五百餘金落成然後與族人築室
而處一鄉保全無害仲兄出繼伯父仍將父遺田租均
分四百石與之子中衡清流教諭

○劉俊字邦鍾安溪人峩第三子少失怙性孝友甲寅闕
變應總制募効力軍前議叙授都司銜爲外委數年告
歸詩酒自娛與李日烺倡和爲忘年友

○沈高攀安溪來蘇里人爲諸生慷慨尚義康熙甲寅乙
卯間年甫弱冠值漳賊煽亂剽掠城邑李光地招集義

兵以護鄉間舉攀爲里中總練自出家貲率領兵壯協力禦寇著有勞績勞瘁而歿同邑諸生高裔馨甲寅間邑令李委禦漳同諸寇民賴安堵

○劉望祖安溪諸生戊午海寇未靖李光地因安永聯界多受寇害以望祖有文武才委作十五寨堡主團練鄉兵連環禦寇里間賴保護焉

○李光徵安溪人爲人持義戊午歲海氛李光地諭以團練鄉勇豫防詳密卒年九十一歲五世一堂

以上俱安溪志

○黃登燁字良策安溪仙瀛人常從李日燝破賊脫光地

全家之難生平行履卓然可稱

節安
溪志

○周允隆安溪人康熙丁巳蔡寅寇安溪李日燦薦隆任
練總事賊過新康隆率鄉勇追賊林東溪奪馬一匹獻
於縣令李鈺賊黨自是解散里人至今傳之

安溪志

○李鍾準字世則安溪人日燦次孫貢入太學性孝友尚
義多幹畧雍正庚戌重脩先師大成殿準董其役乾
隆乙亥又續葺之邑下里界漳延當康熙辛丑屬有宵
小之擾前邑令劉懋齡會武弁往捕獲鍾準與俱行聞
鍾準因為寇奪舍止計飲食迄于賊平禾木芻薪軍飽

泉州府志卷之五十六終

應節民不擾
新安漢志

泉州府志卷之五十六終